

Bosna i Hercegovina
FEDERACIJA BOSNE I HERCEGOVINE
**AGENCIJA ZA NADZOR OSIGURANJA
FEDERACIJE BOSNE I HERCEGOVINE**
S A R A J E V O

Na osnovu člana 130. i 226. Zakona o osiguranju („Službene novine Federacije Bosne i Hercegovine“, broj: 23/17) i člana 12. Statuta Agencije za nadzor osiguranja Federacije Bosne i Hercegovine („Službene novine Federacije Bosne i Hercegovine“, broj:/2017), Stručni savjet Agencije za nadzor osiguranja Federacije Bosne i Hercegovine na 10. sjednici održanoj 19. 12. 2017. godine, donosi

PRAVILNIK
O RASPODJELE ZAJEDNIČKIH STAVKI
NA ŽIVOTNO I NEŽIVOTNA OSIGURANJA

I OSNOVNE ODREDBE

Član 1.

(Predmet Pravilnika)

Ovim Pravilnikom propisuje se način raspodjele stavki koje su zajedničke za djelatnost životnog i neživotnih osiguranja, i koja su u svrhu odvojenog administriranja, obavezna primjenjivati društva za osiguranje koja obavljaju poslove životnog i neživotnih osiguranja (u daljem tekstu: društvo).

II DONOŠENJE INTERNOG AKTA

Član 2.

(Donošenje internog akta)

- (1) Društvo je obavezno, u skladu sa članom 226. tačka (5) Zakona o osiguranju, donijeti interni akt kojim će se odrediti omjer raspodjele stavki koje su zajedničke za djelatnost životnog i neživotnih osiguranja i isti dostaviti Agenciji za nadzor osiguranja Federacije Bosne i Hercegovine (u daljem tekstu: Agencija za nadzor).
- (2) Društvo je obavezno i svaku izmjenu navedenog akta dostaviti Agenciji za nadzor u roku od 10 dana od dana donošenja novog ili izmjene postojećeg akta.

III METODA RASPODJELE ZAJEDNIČKIH STAVKI

Član 3.

(Raspored zajedničkih stavki)

- (1) Društvo koje obavlja poslove životnog i neživotnih osiguranja, a u cilju odvojenog administriranja, stavke koje su zajedničke objema djelatnostima rasporedit će na osnovu sljedećeg obračuna:
 - a) ukalkulisano procentualno učešće troškova uprave i administracije u strukturi premije životnog osiguranja, množi se sa ostvarenom premijom životnog osiguranja u obračunskom periodu,

- b) ukalkulisano procentualno učešće troškova uprave i administracije u strukturi premije neživotnih osiguranja, množi se sa ostvarenom premijom neživotnih osiguranja u obračunskom periodu,
 - c) iznosi dobiveni množenjem gore navedenih stavki se sabiru.
- (2) Rezultati pod a) i b) pojedinačno se dijele sa iznosom c), a dobiveni koeficijenti predstavljaju omjer za raspodjelu zajedničkih stavki na životno i neživotna osiguranja.

IV ZAVRŠNE ODREDBE

Član 4.
(Rokovi)

Društvo je dužno u roku od 30 dana od dana stupanja na snagu ovog Pravilnika donijeti interni akt iz člana 2. ovog Pravilnika.

Član 5.
(Stupanje na snagu)

Ovaj Pravilnik stupa na snagu osam dana od dana objavljivanja u Službenim novinama Federacije BiH.

PREDSJEDNIK
STRUČNOG SAVJETA

mr.sci. Edita Kalajdžić

Broj: 021-3476-6/17
Sarajevo 19. 12. 2017. godine